



Broj: 05/2-50-13-28-56/13
Sarajevo 26.12.2013. godine

ZAPISNIK

56. sjednice Odbora za žalbe građana Parlamentarne skupštine Bosne i Hercegovine, održane 23.12.2013. godine

Pedesetšestu sjednicu Odbora za žalbe građana Parlamentarne skupštine BiH sazvaio je Mate Miletić – predsjednik Odbora.

Sjednici Odbora, u svojstvu članova, prisustvovali su: Amela Bašić, Borislav Radić, Danica Berić, Hamida Karčić, Ermin Pešto, Marijan Milićević te Aida Kreho – sekretar Odbora za žalbe građana Parlamentarne skupštine Bosne i Hercegovine.

Sjednici su, također, prisustvovali Emir Kreho, Ramiz Škulj i Predrag Krsmanović iz Državne agencije za istrage i zaštitu, Ivan Mišetić i Miro Sučić iz Granične policije BiH, te Jovica Katić iz Sektora za odnose s javnošću Parlamentarne skupštine BiH.

Sjednica je počela u 12 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika 55. sjednice Odbora za žalbe građana;
2. Razmatranje predstavki dostavljenih od Granične policije BiH:
 - a) Predstavka: 17-06-34-7-2783/13;
 - b) Predstavka: 17-06-34-7-2856/13;
 - c) Predstavka: 17-06-34-7-2894/13;
 - d) Predstavka: 17-06-34-7-3072/13;
 - e) Predstavka: 17-06-34-7-2810/13;
 - f) Predstavka: 17-06-34-7-2910/13;
 - g) Predstavka: 17-06-34-7-2938/13;
3. Razmatranje predstavki dostavljenih od Državne agencije za istrage i zaštitu:
 - a) Predstavka: 16-06-34-3-5272/13;
4. Tekuća pitanja

Dnevni red je jednoglasno usvojen, s tim da je odlučeno da se prvo razmatraju predstavke Državne agencije za istrage i zaštitu.

Ad.1. Usvajanje zapisnika 55. sjednice Odbora za žalbe građana

Na predlog zapisnika sa 55. sjednice Odbora za žalbe građana članovi Odbora nisu imali primjedbi, te je zapisnik jednoglasno usvojen.

Ad.2. Razmatranje predstavki dostavljenih od Državne agencije za istrage i zaštitu:

a) predstavka: 16-06-34-3-5272/13

Predsjednik Odbora dao je riječ Predragu Krsmanoviću, predstavniku nadležne policijske agencije, koji je obrazložio žalbu na ponašanje policijskih službenika Državne agencije za istrage i zaštitu. Također, članovima Odbora prezentirane su i radnje poduzete tokom obrade žalbe, te je zaključeno da u radnjama i postupcima policijskih službenika nisu pronađeni elementi koji bi predstavljali povredu službene dužnosti. Članovi Odbora jednoglasno su prihvatili izvještaj Državne agencije za istrage i zaštitu.

Također, dva člana Odbora koji imaju dozvolu za pristup tajnim podacima u skladu sa zakonom, Mate Miletić i Ermin Pešto obavili su razgovor sa prisutnim predstavnicima Državne agencije za istrage i zaštitu u vezi s dvije predstavke označene sa oznakom tajnosti, te ih primili k znanju. Obzirom na odredbe Poslovnika Odbora koje se odnose na pravila donošenja odluka i nedostatka kvoruma za odlučivanje, nije donesena konačna odluka, nego je zaključeno da se sa sadržajem ovih predstavki upoznaju članovi Odbora koji budu imenovani u narednom mandatu. Kako se ne bi ponavljale slične situacije, preporučeno je da svi članovi Odbora u narednom mandatu prođu bezbjednosnu provjeru i dobiju dozvole za pristup tajnim podacima, kako bi mogli punopravno odlučivati o predstavkama, čak i kada su označene oznakom tajnosti.

Ad.3. Razmatranje predstavki dostavljenih od Granične policije BiH:

a) Predstavka: 17-06-34-7-2783/13;

b) Predstavka: 17-06-34-7-2856/13;

c) Predstavka: 17-06-34-7-2894/13;

d) Predstavka: 17-06-34-7-3072/13;

e) Predstavka: 17-06-34-7-2810/13;

f) Predstavka: 17-06-34-7-2910/13;

g) Predstavka: 17-06-34-7-2938/13;

Predstavnik Granične policije BiH izložio je članovima Odbora sadržaj predstavke broj: 17-06-34-7-2783/13, te sadržaj Izvještaja po predstavci. Zaključeno je da je izvršenom analizom predmetnog događaja utvrđeno da je predstavka djelomično osnovana, te da je policijski službenik prekršio svoje obaveze u vezi sa vršenjem granične kontrole, te će se protiv njega pokrenuti postupak za utvrđivanje disciplinske odgovornosti. Imajući u vidu razlog ulaganja predstavke, članovi Odbora su zatražili od Granične policije BiH da izvrši dodatne provjere i konsultacije sa Agencijom za identifikacione dokumente, evidenciju i razmjenu podataka Bosne i Hercegovine (IDDEEA), kako bi se svi eventualni budući nesporazumi izbjegli na vrijeme, te da o rezultatima obavijesti Odbor. Članovi Odbora su, zatim, sa 6 glasova „za“ i 1 glasom „uzdržan“ prihvatili Izvještaj o predstavci.

Naredna predstavka koja je prezentirana članovima Odbora bila je predstavka broj: 17-06-34-7-2856/13. Nakon što je članovima prezentiran i Izvještaj o izvršenim preliminarnim provjerama, te nakon što je još jednom zaključeno da je nepostojanje, odnosno neadekvatno funkcionisanje video-nadzora veliki problem prilikom utvrđivanja stvarnog događaja, članovi

Odbora prihvatili su zaključak da je predstavka neosnovana sa 6 glasova „za“ i 1 „uzdržanim“ glasom.

Naredna predstavka koju su članovi Odbora razmatrali bila je predstavka broj: *17-06-34-7-2894/13*. Nakon što je predstavnik Granične policije BiH dao detaljna pojašnjenja u vezi sa slučajem iz predstavke, članovi Odbora su jednoglasno prihvatili Izvještaj o predstavci u kojem je žalba ocijenjena kao neosnovana, obzirom da je utvrđeno da su sve poduzete radnje bile u skladu sa važećim zakonskim propisima i uputstvima.

Predstavnik nadležne policijske agencije obrazložio je i predstavku broj: *17-06-34-7-3072/13*. Nakon prezentiranja i sadržaja žalbe i Izvještaja o predstavci, zaključeno je da je žalba neosnovana. Naime, poduzimanjem svih radnji prilikom ispitivanja slučaja iz predstavke nesporno je utvrđeno da od strane policijskog službenika nije došlo do kršenja propisanih procedura vršenja granične kontrole. Članovi Odbora jednoglasno su prihvatili Izvještaj o predstavci.

Predstavka broj: *17-06-34-7-2810/13* nije razmatrana, obzirom da službenik Unutrašnje kontrole Granične policije BiH koji je obrađivao predstavku nije, iz opravdanih razloga, mogao prisustvovati sjednici. Zaključeno je da će se ova predstavka razmatrati na narednoj sjednici Odbora.

Sljedeća predstavka koju su članovi Odbora razmatrali bila je predstavka broj: *17-06-34-7-2910/13*. Predstavnicima nadležne policijske agencije prezentirali su članovima Odbora sadržaj predstavke, sve radnje koje su poduzeli u cilju rješavanja predstavke, te konačno Izvještaj o provedenom internom postupku. Zaključeno je da, u konkretnom slučaju, postoji sumnja da je počinjena teža povreda službene dužnosti, te da će se o daljim aktivnostima protiv policijskih službenika obavijestiti članovi Odbora. Članovi Odbora jednoglasno su prihvatili Izvještaj o predstavci.

Konačno, članovima Odbora prezentirana je predstavka broj: *17-06-34-7-2938/13*. U skladu sa provedenim radnjama, koje se navode u Izvještaju o izvršenim preliminarnim provjerama, zaključeno je da su policijski službenici postupali u skladu sa zakonskim odredbama i uputstvima, te da osnova za žalbu nije bilo. Članovi Odbora jednoglasno su prihvatili Izvještaj o predstavci, po kojem je žalba neosnovana.

Ad.4. Tekuća pitanja

Rasprava o ovoj tački Dnevnog reda nije vođena.

Sjednica Odbora za žalbe građana završena je u 14 sati.

Sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić